

JAWAPAN

POWER PT3

PENULISAN

KARANGAN RESPONS TERHAD

Praktis 1

Namaku Lenuva. Aku dipasang di sebuah kilang di Taman Perindustrian Kulim Hi-Tech. Aku sebuah komputer riba berteknologi tinggi yang dilengkapi dengan pelbagai teknologi moden.

Aku dan rakan-rakan dipamerkan di sebuah ruang di pasar raya bertaraf lima bintang. Aku dan rakan-rakan dibeli oleh sebuah syarikat besar. Aku mendapat tuan yang baik hati dan diletakkan di sebuah bilik berhawa dingin. Setiap hari aku membantu pekerja di situ menguruskan kewangan syarikat. Aku memang bijak kerana dapat menyelesaikan banyak perkara tentang kewangan dengan cepat dan pantas. Aku berkhidmat kepadanya tanpa jemu.

Setelah berkhidmat selama lima tahun, syarikat itu ingin menjual aku kepada pekerjanya. Aku dibeli oleh tuan baharuku. Aku digunakan dengan baik.

Praktis 2

Saya dan rakan-rakan berpeluang untuk melawat ke pameran buku yang diadakan di Dewan Bahasa dan Pustaka, Kuala Lumpur.

Kami berkumpul di sekolah pada pukul 8.00 pagi. Cikgu Hisyam memberikan taklimat sebelum bas kami bertolak. Kami tiba di pusat pameran pada pukul 10.30 pagi. Pelbagai bahan bacaan dijual seperti majalah, buku cerita, buku agama, dan sebagainya. Pameran buku ini disertai oleh banyak syarikat penerbitan. Buku dijual dengan harga yang murah kerana terdapat potongan harga sehingga 70 peratus. Banyak orang yang datang untuk membeli buku di sini.

Saya membeli beberapa buah buku dan majalah. Setelah selesai membeli-belah, kami pun bertolak pulang.

Praktis 3

Senaman merupakan aktiviti riadah yang baik untuk kesihatan. Bagi mengelakkan kecederaan, bersenam perlu dilakukan dengan langkah-langkah tertentu.

Senaman dimulakan dengan pemanasan badan selama lima hingga sepuluh minit. Pelbagai cara boleh dilakukan seperti berlari setempat atau berlari perlahan-lahan. Seterusnya, senaman diteruskan dengan aktiviti regangan untuk semua sendi dan otot badan dari kepala hingga kaki. Gerakan ini dilakukan secara perlahan-lahan. Aktiviti regangan ini sebagai persediaan untuk jantung, paru-paru, otot, dan sendi sendiri menerima tekanan semasa bersenam nanti.

Selepas memanaskan badan, aktiviti senaman boleh dilakukan seberapa lama yang diinginkan. Senaman diakhiri secara perlahan-lahan hingga selesai.

Praktis 4

Aku sepasang kasut yang berjenama Vans. Aku dibuat daripada kanvas dan berasal dari sebuah kilang yang terkenal.

Aku dan rakan-rakan disimpan di sebuah stor yang gelap sebelum dijual di sebuah pasar raya. Aku dibeli oleh seorang lelaki untuk diberikan kepada anaknya. Setiap hari, aku dipakai oleh tuanku sebelum ke sekolah. Aku menjaga kaki tuanku daripada kotor. Setiap minggu, aku dimandikan menyebabkan wajahku sentiasa bersih dan berseri-seri. Badanku dijemur di tengah panas sehingga kering.

Aku semakin lusuh dan akhirnya tidak digunakan lagi setelah tuanku mendapat kasut baharu. Aku disimpan di sebuah stor di rumah tuanku.

Praktis 5

Pada cuti penggal sekolah yang lepas, kami sekeluarga bercadang untuk pulang ke kampung kerana ingin menziarahi nenek.

Saya bangun seawal 5.30 pagi kerana hendak membantu ibu memasak untuk sarapan dan bekalan dalam perjalanan nanti. Rumah nenek terletak jauh di utara tanah air. Kami bertolak pada pukul 9.00 pagi. Kami tiba di rumah nenek sewaktu hari hampir malam. Kami disambut oleh nenek dan berbual-bual sebelum tidur kerana keletihan. Keesokan hari, saya dan nenek ke kebun untuk melihat pelbagai jenis sayur dan buah yang ditanam oleh nenek. Nenek menjual hasil tanaman kepada perahi di pekan yang berhampiran.

Kami juga berkesempatan untuk menziarahi saudara-mara di kampung sebelum bertolak pulang ke bandar pada waktu petang.

KARANGAN RESPONS TERBUKA

Praktis 1

1. Pendahuluan:

alamat pengirim dan penerima mengikut format surat rasmi – tarikh surat dan tajuk surat – permohonan mengadakan lawatan sambil belajar ke Kilang Perusahaan Batik

Isi-isi penting:

- kata menghadap surat – menjelaskan butiran lawatan – jumlah murid dan guru yang terlibat – murid elektif pendidikan seni – tarikh – hari dan masa
- tujuan lawatan untuk menambahkan ilmu pengetahuan – mengetahui cara-cara batik diproses – mengetahui secara langsung – sebelum ini belajar secara teori melalui buku-buku dan ilmu yang diajarkan oleh guru
- menyiapkan kerja kursus berkaitan dengan batik – memupuk minat terhadap seni kraf tangan tempatan dalam kalangan murid – memajukan seni batik tanah air – langkah permulaan menceburkan diri dalam bidang pembuatan batik
- berharap agar pihak pengurusan kilang bersetuju untuk menerima lawatan ini – memberikan jawapan atau maklum balas dengan segera

Penutup:

mengucapkan terima kasih – tandatangan, nama, dan jawatan

2. Pendahuluan:

kraf tangan ialah hasil kerja tangan – seni yang unik dan bernilai tinggi – melibatkan seni ukiran, anyaman, dan sulaman – seni turun-temurun dari generasi silam – beroperasi secara kecil-kecilan

Isi-isi penting:

- (a) penting sebagai warisan negara yang tinggi nilai – lambang kesenian sesuatu bangsa – milik khusus – lambang adat dan budaya – kebanggaan sesuatu kaum atau bangsa – batik ialah lambang Malaysia di luar negara
- (b) sebagai sumber pendapatan – hasil seni kraf tangan dijual – perusahaan dikomersialkan – pengeluaran produk semakin banyak – suntikan dana daripada kerajaan dan pihak bank – memenuhi permintaan tempatan dan luar negara
- (c) kepentingan dalam sektor pelancongan – cenderamata sebagai kenang-kenangan – hadiah kepada rakan-rakan hasil lawatan ke sesuatu tempat di Malaysia – premis-premis kraf tangan dibuka di lokasi-lokasi pelancongan
- (d) peluang pekerjaan – industri kraf tangan berkembang pesat – sokongan teknologi pembuatan dan pemasaran – banyak remaja menceburi bidang ini – kurang persaingan – masalah pengangguran dapat dikurangkan

Penutup:

industri kraf tangan berupaya untuk menjana pendapatan negara – pelbagai promosi giat dijalankan bersama-sama pakej pelancongan – kursus kemahiran ditawarkan di pusat-pusat pengajian tinggi – peringkat diploma dan ijazah – industri kraf tangan terus maju pada masa akan datang

3. Pendahuluan:

Tulis tajuk rencana “Industri Kraf Tangan di Malaysia” – tulis nama penulis

Isi-isi penting:

- (a) industri kraf tangan semakin mendapat tempat dalam kalangan pengusaha-pengusaha di negara ini – permintaan yang tinggi – peluang menjana pendapatan yang lumayan – industri tumbuh bagai cendawan selepas hujan
- (b) bantuan modal daripada pihak kerajaan melalui pinjaman jangka pendek dan jangka panjang – pinjaman daripada pihak bank – kadar bayaran yang fleksibel – industri kraf tangan berkembang maju
- (c) peralatan moden membantu pengeluaran jumlah produk yang banyak – dapat memenuhi permintaan – kos pengeluaran yang rendah – bahan-bahan mentah yang mudah diperoleh – pasaran yang sedia ada
- (d) ditawarkan pelbagai kursus kemahiran kraf tangan – kolej dan universiti tempatan – tenaga kerja mahir mudah diperoleh – menarik minat golongan remaja

Penutup:

industri kraf tangan berpotensi untuk maju – persaingan yang kurang – produk dieksport ke luar negara – harga produk semakin meningkat – menjamin pendapatan yang lumayan – pelibatan pihak kerajaan dan swasta menjadikan industri kraf tangan ini terus maju